



Persatuan Pengguna Pulau Pinang Consumers Association of Penang

檳城消費人協會 பிளாங்கு பயனீட்டாளர் சங்கம்

Websites:
www.consumer.org.my

10 Jalan Masjid Negeri, 11600 Pulau Pinang, Malaysia
Tel: 604-8299511 Fax: 604-8298109
email: consumerofpenang@gmail.com

Kenyataan Akhbar,

16 Februari 2021

Produk elektrik/elektronik tidak dikawal dan berbahaya di pasaran

Merujuk kepada kenyataan akhbar keluaran Berita Harian bertarikh 15hb Februari 2021 yang menyatakan 28 maut guna alat elektrik tiada kelulusan SIRIM, Suruhanjaya Tenaga.

<https://www.bharian.com.my/berita/nasional/2021/02/786404/28-maut-guna-perkakasan-elektrik-tiada-kelulusan>

Persatuan Pengguna Pulau Pinang (CAP) terkejut bagaimana produk elektrik tidak dikawal boleh terus diperolehi di pasaran. Masalah ini sudah lama didedahkan oleh CAP.

Tinjauan kami mendapati banyak produk elektrik/elektronik yang membimbangkan tanpa label Suruhanjaya Tenaga-SIRIM seperti pengecas telefon bimbit, bateri power bank, soket dan sebagainya telah membanjiri pasaran harian. Barangan seperti bateri yang boleh dicaj semula perlu dikawal kerana ia melibatkan arus ulang alik 240 volt. Adalah diketahui ia berpotensi tinggi meletup dan menyebabkan kebakaran bateri yang boleh dicaj semula.

Selain dari itu, yang amat membimbangkan pada masa ini, para pengguna dapat membeli barangan elektik melalui pembelian dalam talian (online purchase). Barangan elektrik yang tidak diluluskan mungkin harganya lebih murah dan dapat menjimatkan sejumlah wang, tetapi boleh menyebabkan anda kehilangan nyawa, rumah atau nyawa orang tersayang.

CAP mengesyorkan langkah-langkah berikut:

- EC dan SIRIM perlu meneliti semula dan mengembangkan senarai produk terkawal mereka sebab banyak produk elektrik yang tidak dikawal oleh EC terdapat di pasaran.
- Pada masa yang sama, EC perlu membuat serbuan di pasaran yang menjual produk elektrik bermutu rendah yang mungkin menggunakan label jaminan keselamatan EC-SIRIM palsu.

CAP mengesa Suruhanjaya Tenaga harus berkerjasama dengan Kementerian Perdagangan Dalam Negeri dan Hal Ehwal Pengguna untuk meningkatkan penguatkuasaan dan membatalkan lesen perniagaan jika terdapat penyalahgunaan undang-undang demi menjaga keselamatan para pengguna.

Mohideen Abdul Kader
Presiden
Persatuan Pengguna-Pengguna Pulau Pinang